

F-137
1920

„ვაზი და ღვინო“

334

წელიწადი პირველი.

№ 6

1 მაისი 1920 წ.

№ 6

შ ი ნ ა ა რ ს ი:

- | | |
|--|----------------------|
| 1. ვ. ი. რცხილაძე. ნეკროლოგი | } ი. ანდრონიკაშვილი. |
| 2. მოწინავე | |
| 3. ღვინის წარმოშობა | მის. შალამბერიძე. |
| 4. ზვენი ღვინოები და მისი ბაზარი | გ. წინამძღვრიშვილი. |
| 5. მედიცინა ყრილობები კახეთში | გ. წ. |
| 6. საბჭოს მოქმედება | |
| 7. „ვაზი და ღვინო“-ს მკითხველს | |

ჟურნალის გამოცემის პირობები:

ჟურნალი ჟურჟერობით გამოვა ორ კვირაში ერთხელ, არა ნაკლებ 16 გვერდისა. თითო ნომრის ფასი საბჭოს მიერ განსაზღვრულა — 10 მან. ამ ფასით ჟურნალის გამოწერა შეიძლება ნამი თვით.



ჟურნალის რედაქცია იმყოფება საბჭოს ბინაზე — თბილისი, ბარიატინსკის ქუჩა, № 5.

სოფლისკულტურის
კახეთის ღვიბო

„კახელ მევენახეთა“



Кахетинское Кооперативное Вино

• СОЮЗЪ СОЮЗОВЪ •

Виноградарей Кахети.

ТИФЛИСЪ

ГОЛОВИНСК. ПР. № 33 Д. ТАМАШЕВА, ТЕЛЕФ. №
КАХЕТИА: СТ. МУКУЗАНЬ, КАХ. Ж.С.ЕЛ. Д.ОР.

თ ბ ი ლ ი ს ი. რუსთაველის ქუჩა № 33
კახეთი, სადგური „მუკუზანი“, კახეთის რეინის გზა.

„კავშირთ-კავშირის“ დაარსებულია 918 წელს. წე'დება დამტკიცებულია
თბილისის საოლქო სასამართლოს მიერ 8 თებერვალს 1919 წელს.

„კავშირთ-კავშირის“ შედიან ველისციხის, გურჯაანის და კარდანახის
შენახველ გამსესხებელი ამხანაგობანი -- 4400 წევრით, რომელთაც 4200
დესეტინა ვენახი აქვთ.

„კავშირთ-კავშირის“ ვაჭეობა, მთავარი კონტორა და საწყობი მოთავსე-
ბულია საკუთარ ბინაზედ კახეთის რეინის გზის სადგურ მუკუზანთან.



† ვ. ი. რცხილაძე.

შაბათს, 17-ს აპრილს, ქ. თბილისში, თავის ბინაზედ, მოულოდნელად გარდაიცვალა საქართველოს მეღვინე-მევენახეთა საბჭოს წევრი ვახილ ილიას-ძე რცხილაძე. საბჭო დიდს მწუხარებას განიცდის თავის მხნე და დაკვირვებულ წევრის უდროოთ დაკარგვით. გარდაცვალებული ჩვენს ცხოვრებაში წარმოადგენდა იმისთანა იშვიათს და ძვირფასს პიროვნებას, რომლის მოღვაწეობა და მისწრაფება საენებით და მუდმივ სამშობლოს სამსახურში გამოიხატებოდა. დაუღალავმა და იდეურმა მუშაკმა, ვ. ი. რცხილაძემ, მთელი თავისი სიცოცხლე, ცოდნა და გამოცდილება ქართველი ერის შინაგან გეგარ მოთხოვნილებების სამსახურს მოახმარა და, თუ საზოგადოთ კაცობრიობის ბუნებრივი თვისება უშთავრესად ეგოისტურ მიმართულებაში გამოიხატება, ვ. ი. რცხილაძე ამ შემთხვევაში წარმოადგენდა არა ჩვეულებრივ პიროვნებას. დღე და ღამ მუშაკი სხვა და სხვა საზოგადო დაწესებულებაში, მას არ ჰქონდა დრო პირადათ თავის კერძო ინტერესების სამსახურისათვის. სულით და გულით მოსიყვარულე თავის სამშობლოსი და ერისა, ის იყო ერთგული იდეური შვილი საქართველოსი და თუ ეს თვისებები ახასიათებდნენ მის მოღვაწეობას მაშინ, როდესაც საქართველო შედგენდა რუსეთის განაპირა ნაწილს, შემდეგ როდესაც საქართველომ მოიპოვა თავისუფლება და დამოუკიდებლობა, ვ. ი. რცხილაძე, გაბედნიერებული ამ აქტით გაორკეცებული მხნეობით მიუძღოდა ყველა საზოგ.დო საქმეს.

საქმარისია გავითვალისწინოთ მოკლედ მისი ბიოგრაფი, რომ მწვავე მწუხა-

რებით მივიღოთ ამ ერგულის და საზნანი ვებლო მაგული შვილის დაკარგვის ამბავი.

ვ. ი. რცხილაძემ დამთავრა თბილისის მასწავლებელთა ინსტიტუტი და შემდეგ ორი წელიწადი განაგრძო სწავლა შვეიცარიაში. საზღვარ გარეთიდან დაბრუნების შემდეგ, იგი იყო დანიშნული ჯერ მასწავლებლად და შემდეგ ინსპექტორათ ქალაქის სახელოსნო სასწავლებელში, სადაც ქართულს განყოფილებაში ქართულს ენაზედ კითხულობდა ბუნების მეტყველებას. მან სათარგმნა ქართულ ენაზედ როსკოს ქიმიის სახელმძღვანელო და შეადგინა წიგნი: „მცენარევი და ცხოველი“. *) შემდეგ როდესაც დაარსდა კახეთის მევენახეთა ამხანაგობა, ვ. ი. რცხილაძე იყო ამორჩეული გამგეობის წევრად და მან დაანება თავი სახელოსნო სასწავლებელს. ამხანაგობა „კახეთი“-ს წევრად ვ. ი. რცხილაძე იყო რამდენიმე წელიწადი. ქართული სამეურნეო საზოგადოების დაარსებასთანავე იგი იყო არჩეული ამ საზოგადოების გამგეობის წევრად და აგრეთვე მდივნად.

მოძრაობის ხანაში, 1906 წელს, მან შეადგინა სახალხო უნივერსიტეტის საზოგადოების წესდება, იგი იყო პირველი ამ საზოგადოების თავმჯდომარე და ხელმძღვანელი.

შემდეგში, როდესაც რუსის მთავრობის მიერ სხვათა შორის ჩვენშიც იყო დაარსებული მევენახეობის და მელენიგობის კომიტეტები, ვ. ი. რცხილაძე იყო დანიშნული თბილისის კომიტეტის საბჭოს წევრად და შემდეგ მდივნად და ამ თანამდებობაზე იმყოფებოდა გარდაცვალებამდე.

*) მრავალი წერილები აქვს აგრეთვე დაბეჭდილი მსუვედონიით როგორც ცალკე ბროშურებად, აგრეთვე სხვა და სხვა პერიოდულ გამოცემებში.



საქართველოს
წიგნების კავშირი

ბამდის. ამავე ხანში იგი იყო ამორჩეული კავკასიის სამეურნეო საზოგადოების საბჭოს წევრად და, როდესაც ამ საზოგადოების თავმჯდომარე (პრეზიდენტი) ბ-ნი შ. სუმბათაშვილი 1918 წ. გაემგზავრა საზღვარ გარეთ, — რცხილამცის დაეკისრა ამ საზოგადოების თავმჯდომარეობა, რომელ თანამდებობასაც ის უკანასკნელ დღეებამდე აღსრულებდა.

რამდენიმე წლის წინად ვ. ი. რცხილამცემ ქართულ ენაზედ გამოსცა ზოგიერთ ბუნების მოვლენების აღწერის წიგნი, რომელიც მოწონებულ იყო ბ-ნ გამართელის მიერ ბიბლიოგრაფიულს აღწერაში.

ვ. ი. რცხილამცის კალამს ეკუთვნის აგრეთვე 1905 წელში შედგენილი მოხსენება საქართველოს ავტონომიის შესახებ. მანვე იკისრა ქართული სამეურნეო ჟურნალის „მეურნეს“ გამოცემა, რომელიც გამოდიოდა მის რედაქტორობით 1914 წლამდის. *)

ვ. ი. რცხილამცე იღებდა მონაწილეობას შრავალს სხვადასხვა ქართულ საქველმოქმედო და საზოგადო დაწესებულებებში და წარსულს შემოდგომაზედ საქართველოს მეღვინე — მევენახეთა კონგრესის მიერ არჩეულ იყო საქართველოს მეღვინე-მევენახეთა საბჭოს წევრად. მოკლე ხანში ვ. ი. რცხილამცემ აქაც გამოიჩინა ბუნებრივი თავისი ენერგია და მხურვალე მონაწილეობას იღებდა საბჭოს ჟურნალის გამოცემაში. საბჭოს დადგენილებით იგი იყო არჩეული წევრად ბატონ პროფესორ მელიქიშვილის ხელმძღვანელობით დანიშნულ კომისიისა,

*) მის თაოსნობით იყო დაარსებული ს. საგარეჯოში საფეიქროსასწავლებელი და იგივე დროებით ხელმძღვანელობდა საშინაო მრეწველობის კომიტეტს.

რომელსაც საბჭოს მიერ დავალდებული აქვს ღვინის კანონის პროექტის შემუშავება. სამწუხაროდ ამ კომისიის უღროთ მოაკლდა ფრიად სასარგებლო წევრი. ბ-ნ ვ. ი. რცხილამცე იყო მდივანი იმ კომისიისა, რომელიც იყო არჩეული კავკასიის სამეურნეო საზოგადოების მიერ და რომელმაც დაწერილებით განიხილა და შეიმუშავა რუსეთის მთავრობის მიერ შედგენილი კანონპროექტი.

ეს ვ. ი. რცხილამცის მოღვაწეობის მოკლე აღწერა ნათლად გვიჩვენებს, თუ რა დიდ ენერგიას და სამშობლოს მოსიყვარულე პიროვნება და ერთგული მამულიშვილი უღროთ მოჰშორდა ამ წუთისთვის. არ შეგვიძლიან არ გამოვსთქვათ ჩვენი ღრმა მწუხარება ძვირფას საქართველოს შვილის დაკარგვის შესახებ. ეს მწუხარება მით უფრო ჩვენთვის მწვავეა, რომ მას მოუძღვის დიადი მუშაობა სამშობლოსადმი და წვრილშვილი სახლობა კი დარჩა მას თითქმის სრულიად უსახსროდ. ვიმედოვნებთ, რომ ამ გარემოებას ჩვენი ქართველი საზოგადოება სათანადო ყურადღებას მიაქცევს.

ი. ანდრონიკაშვილი.



თბილისი 1 მაისი, 1920 წ.

რ-ვოლიუტია დამთავრდა ყველა მოქალაქესთან ერთად ჩვენი მთავრობაც და დამფთმნებელი კრებაც აღიარებენ, რომ სახელმწიფოს, მოწესრიგების, და მის ეკონომიური გამაგრების და გაძლიერების ხანა დადგა. ეკონომიური საკითხები ამ ეამად შეადგენენ უმთავრესს საფუძველს საქართველოს დამოუკიდებლობისას.

ჩვენი საფინანსო უწყება საესეები



მისწრაფება ბიუჯეტის მოწესრიგება და ჩვენი ქალაქის ფულის ღირებულების გამაგრებას; მაგრამ, სამწუხაროდ, დღითი დღე ჩვენი ფულის ფასი ეცემა, ცხოვრება ძვირდება და ამისთანავე ჩვენს ვაჭრობა—მრეწველობა, არამც თუ არა ვითარი გაუმჯობესობის ნიშნები არ ეტყობა, პირიქით ვაჭრობაც და მრეწველობას წარმოებაც თანდათან მხელდება.

ამ მოვლენის მიზეზი, რასაკვირველია მრავალგვარი და რთულია, მაგრამ მოხსენებული ფაქტი აშკარად უნდა გვარწმუნებდეს, რომ სახელმწიფოს ეკონომიურ პოლიტიკაში რაღაც არსებითი ნაკლია. ჩვენ არ ვისახამთ მიზნად ამ საკითხის გამოკვლევას.

ამ ემად ჩვენი გვინდა მხოლოდ აღვნიშნოთ, რომ რაც უფრო მწვავეა სახელმწიფოს ეკონომიური მდგომარეობა, მით მეტი დაკვირვება და სიფრთხილეა საჭირო ყოველ სახელმწიფოებრივ ეკონომიურ ზომის მიღების და ცხოვრებაში გატარების დროს.

ჩვენი საფინანსო უწყება-კი სამწუხაროდ სწორეთ უკუღმა ვაზს ადგია. სიჩქარე ყველა საქმეში კარგია, მაგრამ იმდენად, რომ საქმეს აჩქარების და დაუფიქრებლობის მავნე შედეგები არ მოჰყვება.

განსაკუთრებული ძნელი სახელმწიფოს ეკონომიური მდგომარეობა, რასაკვირველია, მოითხოვს განსაკუთრებულს, არა ჩვეულებრივს ზომებს. მაგრამ, თუ მიღებული ეკონომიური კანონი ანუ განკარგულება ავნებს თვით იმ წარმოებას, რომელიც შეადგენს წყაროს ამ კანონით ანუ განკარგულებით მიღებულ ზომისას—(სახელმწიფოს შემოსავლისას),—შეუძლებელია ამისთანა კანონის ანუ განკარგუ-

ლების რაიმე სასარგებლო შედეგის მოხსნა რომ არ წავიდეთ, ავიღოთ მაგალითად ამ დღეებში დამფუძნებელ კრების მიერ დადასტურებული საფინანსო უწყების კანონპროექტი ღვინოზედ აქციზის გაღების შესახებ.

ახალ კანონის ძალით ღვინოზედ არის მიღებული სააქციზო გადასახადი 20%, მისი ღირებულებისა, რომლის განსახლვრა კანონით ევალება ფინანსთა მინისტრის და, რადგან ფინანსთა სამინისტროში სავაჭრო პალატის დახმარებით ღვინის საშუალო ფასი მიღებულია ჯერჯერობით ბოთლზედ 25 მან., სააქციზო გადასახადით ბოთლზედ დაწესებულია 5 მანეთი. ჩვენ თავის დროზედ აღვნიშნეთ 20%-ან ნორმის მიღების სიდიდე სასუფრო ღვინისათვის. მეღვინე-მევენახეთა საბჭომ ამ საკითხის გამო თავის დროზედ მიჰმართა კიდევაც მიწათმოქმედების მინისტრს, რომელმაც აღუთქვა საბჭოს წარმომადგენელთ ზომების მიღება, რომ ღვინოზედ არ იყოს გადაქარბებული აქციზი მიღებული. მაგრამ საკითხ მაინც გადაწყვეტილია მეღვინე-მევენახეთა საბჭოს წარმომადგენელთა თანადაუსწრებლად, და სააქციზო გადასახადი ბოთლზედ უკვე მიღებულია ხუთი მანეთი, ანუ ვედროზედ 80 მან. ყველა ვინც-კი ცოტაოდენ მაინც ცნობილია ჩვენში ღვინის ვაჭრობის პირობებს ადვილათ გაითვალისწინებს, თუ რა შედეგიც მოჰყვება ამ დიდს სააქციზო გადასახადს. სხვა ფაქტორებისა რომ თავი დავანებოთ, მარტო წყლის დამატება რა შემოსავალს უქადის ჩვენს სირაჯებს; მარტო ერთი-ორი ვედრო წყლის გასაღება პატარა ვაჭარს საყურადღებო შემოსავალს აძლევს და ყოველ შემთხვევაში რა დაუღდება წინ, რომელი სირაჯი აუ-



ხვევს ამ თვალსაჩინო გზას? თუ უაქცი-
ზოთაც ღვინის სიძვირემ შემჩნევით შე-
მცირა ჩვენი ღვინოების ბაზარზედ გასა-
ვალი, 20% -ით მათი ღირებულების აწვევა
ხომ უარესად დაამზობს ამ ვაჭრობას. ვინც-
კი დაკვირვებულია ან და ვისაც-კი ჰსურს,
რომ იცოდეს, ადვილად დარწმუნდება თუ
რა მოვლენის მოწმენი ვართ ღვინის გაძვი-
რების გამო. ეს მოვლენა გახლავთ ის. რომ
არყით ვაჭრობა თანდათან მატულობს და
ამცირებს ღვინის ვაჭრობას. მომეტებული
ნაწილი იძულებულია ღვინო უარაჰყოს
და არაყის სმაზედ გადავიდეს, — ღვინისა-
თვის მას არა აქვს საჭირო სახსარი, არა-
ყი-კი თხოულობს ნაკლებ ფასს და აძ-
ლევს მას თუ არ სიამოვნებს, იმისთანავე შე-
დევს, როგორც ღვინო. ამ მდგომარეო-
ბაშია ნამეტნავად ღარიბი მუშა ხალხი,
რომელთაც საქმის გარემოება უნებლიედ
აჩვენებს მათ მადნე თვისებას: არაყის სმას
ღვინის მაგიერ. ამის შედეგები ხომ განუ-
საზღვრელია როგორც თვით მსმელთათ-
ვის აგრეთვე ჩვენ შევენახეობისათვის, რომ-
ელიც უამისოდაც განიცდის კრიზისს და
ყოველმხრივ დახმარებას და ყურადღებას
თხოულობს მთავრობისაგან. ჩვენს მოვა-
ლეობად ვრაცხთ აღწერილთ ზემოხსენებუ-
ლი ფაქტები და ხელშეორეთ მივაქციოთ მათ
ზედ ყურადღება მიწა-დ-მოქმედების სამი-
ნისტროსი, რომელსაც ევალება სამშობ-
ლო მეურნეობის ინტერესების დაცვა.

დრო არის, რომ სათანადო ყურად-
ღებით მოვექცეთ საზოგადოათ ჩვენს სა-
სოფლო მეურნეობას და კერძოთ შევენა-
ხეობის განვითარებას.

ი. ანდრონიკაშვილი



ღვინის ნარკოზობა

მციის დასაბამი, ანუ საკითხი იმის
შესახებ, თუ საიდან და როგორა ჩნდება
ტკბილში დუღილის გამომწვევი ღვინის
დედა. ამის შესახებ პირველად ყველაზე
დაწვრილებითი ცნობები მოგვცა დანიელ
მეტსნიერის ჰანზენის გამოკვლევამ. აღმო-
ჩნდა რომ, ეს თვალათვის უჩინარი სო-
კო-მცია განჩნდება ხოლმე ყურძენზე მხო-
ლოდ მაშინ, როდესაც ყურძნის მარცვა-
ლი მწიფდება. (უადგილო არ იქნება ვგო-
ნებ, მოვიგონოთ, რომ თუ ჩვენ სხვადა-
სხვა დამწიფებელი ხილი დავკულიტეთ
და დავწურეთ, მათი წვენიც ჩქარა დუ-
ღილს დაიწყებს და მეტად თუ ნაკლებად
მათრობელ სასმელს მოგვცემს. — ამ შემთ-
ხვევაშიაც იმავე მოვლენასთანა გვაქვს სა-
ქმე როგორც ყურძენთან). მაგრამ ვაჩნ-
დება ხოლმე ეს მცია მარცვლის ხორც-
ში — ტკბილში კი არა, არამედ კანზე.
ამისი დამტკიცება ადვილად შეიძლება:
თუ ჩვენ როგორმე ფრთხილად ამოვიღებთ
მარცვლის გულიდან ტკბილს ისე, რომ
კანიდან არაფერი ჩაჰყვეს რა ამ ტკბილს
ამისთანა ტკბილი არ აღუღდება. მეო-
რეს მხრივ, თუ ჩვენ გავრეცხეთ ყურძენი
და ეს ნარეცხი წყალი ჩავუმატეთ წინა-
ნდელს ტკბილს, დაინახავთ, რომ დუღილი
ჩქარა დაიწყება. როცა მციას მარცვალზე
წვიმა მოუსწრობს, ან თუ თვით მარცვა-
ლი ჩამოვარდა მიწაზე, მაშინ, ცხადია,
მციაც დაბლა მიწაწე ჩამოჰყვება: მაგრამ
როცა მიწა გაშრება და ამტვერდება, მ-
ერის მოძრაობა ისევ მალლა აიტაცებს
მციას და მოსდებს მცენარეულობის სხვა
დასხვა ალაგს. თუ ის სადმე ტკბილს წვენს,
საზრდოს შეხვდა, მაშინ რასაკვირველია
დაიწყებს გამრავლებას, თუ არა და დროს
განმავლობაში გახმება და მოკვდება.



ყურძნის ჯანსაღი მარცვალი, ჩვენ ვიცით, გადაკრულია ცვილა ნივთიერებით, რომელიც ინახავს მარცვლის ხორცს (ტკბილს) როგორც წვიმის წყლით გამორეცხისაგან (წყალი მარცვლის კანს არ ეკარება), აგრედვე მრავალ სხვა მაზიანებელთაგან. ასე რომ, მარტო ნიაგის მოძრაობამ იქნება რამე სამსახური ვერც კი გაუწიოს მციის გამრავლების საქმეს. მაგრამ, როცა ყურძენი (და საზოგადოდ ხილი) მწიფდება, მას ეტანება აგრედვე მრავალნაირი მწერი და ქია-ლუა: ბუზი, კრაზანა, და აი ესენი როცა ჰკბენენ მარცვალს, კანს უზიანებენ, წვენი სკენ შესავალ კარებს აჩენენ და თვით წვენიც ამოდის ხოლმე კანზე. ხშირად სხვადასხვა მიზეზით მარცვალს კანი სულ მთლადაც უსკდება. რადგან თვით ამ მწერებსაც თავიანთ ფეხებით თუ ფრთებით, და საზ. მთელი ტანით, აგრედვე ბლომად გადააქვთ ეს უხილავი მცია სოკოები ერთ ადგილიდან, ერთ მტევნიდან მეორეზე, ადვილი წარმოასადგენია, თუ როგორ ეხმარებიან ისინი ამ სოკოების გავრცელების საქმეს. მაგრამ როგორც პირველად იყო მოხსენებული უმთავრესი გამავრცელებელი მცია სოკოებისა ეს ქარია, რომელიც ერთის დაბერვით ვინ იცის რომელ მხრიდან სად არ წაიღებს და გააბნევს ამ სოკოებს. ზამთარს ეს მცია-სოკოები ატარებენ დედამიწაში და ყურძნის დამწიფების დროს ისინი აქედან ქარის მოქმედებით მოედებიან ხოლმე მარცვლებს—მიწაში კი ჩადის მცია, როგორც უკვე ვთქვით, წვიმის მიერ მარცვლების ჩარეცხით და აგრედვე ამა თუ იმ მიზეზით თვით მარცვლების ჩამოკვივებით. დუღილის დედის, მციის სიდიდის შესახებ რომ წარმოდგენა ვიქონიოთ, უნდა ავიღოთ 100

—200 იმ ზომამდე პატარა მცია (მოყვანილობა მციას დახლოვებით კვერცხისა აქვს,) რომ ყველა ესენი ერთ ხაზზე დაწყობილნი ერთ ფრჩხილის სისქის მეტს მანძილ ადგილს არ დაიკავებდნენ. ეს მათი სიმკირეა იმისი ამხსნელი, რომ ხშირად ერთს მწიფე ჯანსაღ მარცვალზე შეიძლება 100—200 ათასამდე მცია მოიძებნებოდეს და. თუ მწიფე მარცვალი დამსკდარია. მაშინ ამ მციათა რაოდენობამ შეიძლება 10 მილიონსაც გადააჭარბოს. საზოგადოდ კი შემჩნეულია, რომ დაბლა მიწასთან მობმულ მტევნებზე უფრო მეტი მცია მოიპოვება, ვიდრე მიწიდან უფრო დაშორებულზე.

ესლა თავის თავად ცხადი ხდება, რომ ყურძნის დაწურვის დროს დაქუცულ მარცვლიდან გამონადენი წვენი ჩარეცხაშს კანზე (და კლერტებზეც) არსებულ მციათა აუარებელ რაოდენობას და თან ჩაიტანს მათ სადულარ ჭურჭელში (ქვევრი ან სხვ.) თუ ჰაქსაც თან ჩაატანენ, მაშინ ხომ აუხსნელადაც ცხადი ხდება ტკბილში მციის გაჩენის მიზეზი.

როგორ ჩნდება ტკბილში ძალარი (სპირტი.) მციის აღმოჩენის შემდეგ ჯერ კიდევ დიდხანს რჩებოდა საკითხი გადაუწყვეტელი, თუ რათ ან როგორ აჩენს ეს მცია-სოკო შაქრიდან ძალარს (სპირტს ანუ ალკოჰოლს) რადენიმე ერთმანეთის მოპირდაპირე აზრი ბატონობდა ამ საკითხში, სანამ ისინი ერთად არ შეერთდნენ ერთი ძეგორის დასამატებლად და შესავსებად. (ამ საკითხის გამოკვლევას მრავალ მეცნიერის შრომა დასჭირდა და ყველა მათ ჩამოთვალს რომ შევეუდგებოდეთ ნამეტანი გაგვიგრძელდება საწერი.) ეს შეერთებული საბოლოო აზრი შემდეგია: **მცია**, როგორც ყველა სხვა არსება იბრ-



ძვის არსებობისათვის. როგორც უკვე ვთქვით, შემოდგომიდან დაწყებული მცირე თითქმის მთელს წელიწადს მიწაში ატარებს დროს. ამ დრო განმავლობაში მისი კვების საქმე ძალიან უნუგეშო, შეუწყობელ მდგომარეობაში იმყოფება. საკვებავ მასალის უქონლობის გამო დასუსტებულ მცირას მხოლოდ ზაფხულის გასულს და შემოდგომის დასაწყისში ეძლევა საშუალება მწიფე ხილზე მოხვდეს და მის წვენი თ ისაზრდოვოს. უნდა გვახსოვდეს, რომ ეს ერთად ერთი დროა, როდესაც მას შემთხვევა ეძლევა იმდენად მძლავრი იქნება, რომ ჩამომავლობა გააჩინოს და გამაფლდეს რაც შეიძლება სწრაფად და მეტად. იმიტომ რომ, ეს ხომ ერთად ერთი შემთხვევაა მთელი წლის განმავლობაში, როდესაც მას ეძლევა შემთხვევა ჩამომავლობა გააჩინოს და თავისი ჯიში დაიცვას. მაგრამ ამისთანა მდგომარეობაში მხოლოდ ტკბილის დუღილის გამოიწვევი მცირე კი არ არის. იმავე ხილის ტკბილს ეტანებიან მრავალი სხვა სოკოს ჯიშები, რომლებიც საკვებ მასალას ერთმანეთს ეცილებიან. აქ იწყება გაცხარებული ბრძოლა საზრდოსთვის და ჩვენი ღვიწის მცირეც სკდილობს ისეთი რამ მოახერხოს, რომ მოცილეს გამაფლდება არ აკლოს და, თუ შეიძლება, სულაც მოსწავს. ასეთს თავდაცვის საშუალებად ღვიწის მცირე იყენებს ძალარს (სპირტს, ალკოჰოლს) და ნახშირბადს CO_2 , რომლებსაც ის მომწიფებულ ხილის (ყურძენი და სხვ.) შაქრიდან ამზადებს. საქმე ის არის, რომ მცირე, ასე ვთქვათ, იკვებება უმთავრესად ყურძენში არსებულ ცილა—და მაზილ-ნივთობებით (სასუნთქველად ჰაერის ჟანგბადის გარდა ამ ნივთობთა ჟანგბადითაც სარგებლობს) და აჩენს ისეთს ნივთიერე-

ბას, (ლუას), * რომელიც, მოხვდება თუ არა მწიფე მარცვლის წვენში არსებულს შაქარს, მაშინვე ჰშლის მას ძალარად (ალკოჰოლად, სპირტად) და ნახშირბად CO_2 . ძალარი (და ნახშირბადი უმეტეს შემთხვევაში) წარმოადგენს ყველა ცოცხალ არსებისათვის შხამს და, მათსადამე სადაც ღვიწის მცირე მოთავსებულია სასახლოდ, ის იქ ძალარს აჩენს, უშხამავს მოცილე არსებებს საკვებ მასალას და ბურთი თუ მოედანი მხოლოდ მასა წარჩერება. ასეთს გზას ადგია ღვიწის მცირე გაჩენდ ბუნებაში. როდესაც ის ყურძენის დაწურვის დროს სადუღებელ ჭურჭელში ქვევრში, (მაგალიდად) მოკვება, ის ისევე იქცევა, როგორც მტევანის მარცვალზე და აჩენს ძალარს. მაგრამ მაშინ როდესაც ჰაერზე ეს ძალარი ბლომად არ გროვდება და იკარგება აქეთ-იქით ჰაერში, ქვევრში ეს ძალარი თანდათან გროვდება და იმ ზომას აღწევს, რომ ღვიწის მცირე თავის მიერ გაჩენილ ძალარში თითონაც ველარა სძლებს და კვდება. რაოღონო ძალარისა, რომელშიაც ღვიწის მცირე უკვე ველარა სძლებს, უდრის ასიდან 14,3 წონაწილს. (თავის თავს რომ ყოფილიყო მცირე მინებებული, რასაკვირველია, ბუნებაში ის თავის მკვლელობას არ ჩაიდენდა; მაგრამ რაკი ადამიანი ტკბილის დაგროვებით აყენებს მას ისეთს არა ჩვეულებრივ მდგომარეობაში, რომლისთვისაც ის მომზადებული არ არის, ამისათვის ის იღუპება).

ღვიწის მცირესათვის იქცევა მრავალი არსება და კერძოდ ძმრის მცირეც, ეს თავის მხრით სკდილობს ისეთ შხამნივთი-

*, რადგანაც გამოსაცხობად მოზეილი ცომში ამ გვარადვე გაჩენილი დამსგავსი ნივთიერება არის, რომელიც ცომს აღვივებს, ამიტომ ეწოდება მა „ლუა“ $enzym$.



რების გაჩენას, რომელიც დახოცავს სხვა ჯიშის მციას, და, მართლაც, გამოკვლევამ დაგვარწმუნა, რომ თუ ტკბილში 0,4 ასიდან (პროცენტი) ძმრის ჭანაგი მოიპოვება, ამისთანა ტკბილი ვერ დაიწყებს დუღილს. თვით ის მოვლენა, რომ ჩვენ ღვინოებს შოტებო გვმოაქვს, რაოდენადმე იმის შედეგი არის, რომ რთველის დროს დამსკდარ მარცვლიან მტევნებს, რომლებზედაც მრავლად მოიპოვება ძმრის მციის ჯიში, პირდმპირ ურევენ საღ მტევნებს და ერთადა სწურავენ. ასე რომ, ტკბილში ორი ჯიშის მცია თავისუფლად მრავლდება, სანამ ღვინის დედა არ აჯობებს ძმრისას, და როდესაც ამ ჯიშის მცია ბევრი ურევია, ის იმდენ ძმრის ჭანგის გაჩენას ასწრობს, რომ ღვინის მცია ვეღარ ახერხებს ტკბილში არსებულ შაქრის სავსებით განაწილება და ღვინო ცოტათი ტკბილი გემოსი რჩება უკვე 0,01—0,02 ასიდან ძმრის ჭანგი იმდენად ხელს უშლის ტკბილის დუღილს, რომ იგი ღონეზე აღარ სწარმოებს და, როგორც უკვე ვთქვათ, 0,4 ასიდან ძმრის ჭანგი ხომ სრულებით აყენებს დუღილს.

ღვინის და ძმრის მციის გარდა ყურძენზე კიდევ ბევრი სხვა და სხვა ჯიშის სოკოები მოიპოვება, რომლებიც თავის მხრივ სცილილობენ მოწინააღმდეგეების გზას და ტკბილის შაქრის თავისთვის გამოყენებას. ამათი მავნებლობა იმაში გამოიხატება, რომ ისინი ძმრის დედასავით ტკბილის შაქარს ჰშლიან არა ძალაოდ (ალკაბოლად, სპირტად) არამედ სხვა ღვინის დამაზიანებელ სხეულებად, და ღვინის დედას საშუალებას აღარ აძლევენ გამრავლებისას, რომ დუღილმა ხეირიანდ იწარმოვოს და რიგიანი ღვინო დადგეს. აქ ჩვენ ყველა მათ ჩამოთვლას არ შეუ-

დგებით, — მათი რიცხვი საკმაოდ დიდია და შორს წაგვიყვანდა.

იმას კი ვიტყვი, რომ განსხვავება თვით ღვინის დედის ჯიშებშიც საკმაო მოიპოვება. ერთი მათგანი მეტს ძალარს (ალკაბოლს) აჩენს, მეორე ნაკლებს; ერთს მეტი წინააღმდეგობის გაწევა შეუძლიან, თუნდაც იმავე ძმრის დედისა, მეორეს ნაკლები; ერთს მეტი სითბოს ატანა შეუძლიან ვიდრე მეორეს და სხვ. ასე რომ ტკბილის დადუღებისათვის უმნიშვნელო არ იქნება გამოირჩეოდეს საუკეთესო თვისებების მქონი ღვინის დედა და მასზე დადუღდებოდეს ტკბილი, მაგრამ ამის შესახებ ცალკე.

(გაგრძელება იქნება).

მის. შალამბერიძე.



ჩვენი ღვინოები და მისი ბაზარი*)

ჩემ მოხსენების საგანს არ შეიღწევენ ჩვენი ღვინის ქიმიურ შემადგენლობის ან მის დეტალურ თვისებებზე შეჩერება. მე შევეცდები გამოვარჯივო მისი ეკონომიური მნიშვნელობა ჩვენს მეურნეობაში, მისი შევასება საერთაშორისო ბაზრის ფარგლებში და მისი, როგორც საქსპორტო ნაწარმოების, ღირებულება.

ღვინის ტიპის სხვა და სხვაობის მხრივ საქართველო არ არის მდიდარი. სულ ექვსი ან შვიდი დამახასიათებელი ტიპის ღვინო დგება ჩვენში. მათ შორის ღირსეითაც და რაოდენობითაც უდიდესი მნიშვნელობა აქვს კახურ ღვინოს; და, თუ ღვინოზედ ვლაპარაკობთ, როგორც საქსპორტოსაგან ხედ, უნდა ვივლინებოდეთ კახური ღვინო. საქართველოს ყოველ წლიურ საშუალო მოსავალი მეტად ცვალებადია. უფრო ცვალებადი ვიდრე სხვა

*) მოხსენება წაკითხული მევენახეთა და მეღვინეთა კონგრესზე

რომელიმე ქვეყანაში, ყოველ შემთხვევაში იგი იზვიათად აღემატება 6—7 მილიონ ვედროს. აქედან კახეთის წილად 3—4 მილიონი ვედრო გამოდის ყოველწლიურად ბაზარზედ, საშუალო მოსავლის დროს. ჩვენი ვენახების მოსავალი მეტად მცირეა და საშუალოდ იშვიანათ აღემატება დესეტინაზე 200 ვედროს, ხოლო ისეთ უმოსავლო წელიწადში კი, როგორც მაგ. წელს იყო, საშუალოდ 100 ვედროს ძლივს მივიღებდით. (სახელმწიფო მამულმა მიიღო 300 დესეტინაზე—25,000 ვედრო, ანუ დაახლოვებით 83 ვედრო დესეტინაზედ). მაშინ, როდესაც ვანჯის რაიონში 700—800 ვედროს ანგარიშობს საშუალოდ, ხოლო აღჟირი და სამხრეთ საფრანგეთი—2000. რომ საქართველო საზოგადოდ ეკონომიურად მოდინიერებული იყოს და მყიდველობითი შესაძლებლობა მისი Покупательная способность) დაკმაყოფილებული იყვეს, პირდაპირ გაუგებრობა იქნებოდა ჩვენი ღვინის გარეშე ბაზარზედ გატანის ფიქრის კი. რომ ეს მოსახრება ნათელი ვაგზადოთ საქარისია მოვიყვანოთ რამდენიმე საყურადღებო ცნობა. საქართველოში სამ მილიონ-ნახევარ მცხოვრებზედ ვაქქს 65,000 დესეტინა ვენახი, რომელიც იძლევა არა-უმეტეს 7 მილიონ ვედრო ღვინისა ანუ მცხოვრებზედ 2 ვედროს წელიწადში, ესე იგი 32 ბოთლს, ისიც კარგს მოსავალიან წელს. ამავდროს საფრანგეთში, რომლის ერთ ნახ. მილიონმა დესეტინა ვენახმა მასცა 1912 წ. 59,384,000 ჰექტოლიტრი ანუ 494,868,092 ვედრო 40 მილიონ მცხოვრებლებზედ ე. ი., დაახლოვებით მცხოვრებზედ 12,5 ვედრო ღვინო მოდის რაც დაიჭერს ექვს 1-2 ჯერ მეტს, ვიდრე საქართველოს მცხოვრებს მოსდის.

იქნებ ვინმემ იფიქროს, რომ საფრანგეთმა სხვაგან გაყიდა სადმე თავისი მოსავალი! ეს ასე არ არის: საფრანგეთის ღვინის იმპორტი მუდამ აღემატება ექსპორტს. კერძოდ ამ 1912 წელს კი საფრანგეთმა უცხოეთიდან შეიტანა ღვინო 9243,000 ჰექტოლიტრი (77,025,000 ვედროს უდრის) გაიტანა კი უცხოეთში მხოლოდ 2,060,000 ჰექტოლიტრი (17,165,000 ვედრო) შეტანილი ღვინო 60 მილიონ ვედრით აღემატება გატანილს, ამ

რიგათ: თითო ფრანგ მოქალაქეს შეჭვეს 149,222 წელს თითქმის 14 ვედრო ღვინო და საფრანგეთის ეს წელიწადი ჩვეულებრივია. მოსავლის მხრივ, ეს ციფრები ნათლად გვიჩვენებს რომ ჩვენ გარედ ბაზარზედ გასატანი ღვინო სულაც არა ვაქქს და, თუ მაინც იძულებული ვიყავით გარეშე ბაზარი ვეძებნა, ამის მიზეზები მრავალია და შევეცდები მათ განმარტებას.

უშთავრესი მიზეზი ჩვენი ღვინის გარედ გატანისა არის საქართველოს მცხოვრებთა უმრავლესობის სოლიარიე. საქართველოში, მიუხედავად იმისა, რომ ქართველებს უმეტესად სრულიად უსაფუძვლოდ ზოგნი ლოთებად ვთვლიან, ღვინოს მარტო მკორე, პრივილეგიური ნაწილი, უშთავრესად ქალაქის მცხოვრებები თუ სვამენ ოგულთიარულად. სოფლის მცხოვრებნი კი, და წარმოადგენენ თითონ ის მცხოვრებნი, რომელთაც ღვინო მოჰყავთ, ძალიან ცოტა და იშვიათად სვამენ ღვინოს. პატარა მევენახე მოიყვანს ცოტაოდენ მოსავალს, მიჰყიდის ხოლმე გაჭირვებული ერთ-ბაშათ რომელიმე ჩარჩს და თვითონ კი რჩება თითქმის მთელი წლით უღვინოთ. უკეთეს შემთხვევაში იგი შეინახავს რამდენიმე ვედროს ერთ ქოკოში რომელიმე დღეობის ან რაიმე მოულოდნელ შემთხვევისთვის ერთი ორ ჯერსამჯერ იქნება მოსაწროს დალევა ამ ღვინისა და დანარჩენ დროს კი სადმე დღიურად მუშაობის დროს თუ დაჰლევს ღვინოს, თორემ თითონ სულ არა აქვს. ძალიან ხშირად ვენახის პატრონი, როდესაც მას ზაფხულში სტუმარი მიუყა, — დუქანში მიდის ღვინისთვის ხელადით; მით უმეტეს ღვინის სმის საშუალებას მოკლებულია ხელმოკლე მხენელ-მთესველი, რომელიც ძალიან იშვიანათ თუ დაჰლევს ღვინოს. ამ რიგად, საერთო ეკონომიური ხელმოკლეობის გამო, საქართველოს სოფლის მცხოვრებთა უმრავლესობისათვის ღვინო წარმოადგენდა ერთგვარ იშვიანოთ ხილს. სულ სხვა მდგომარეობაშია ფრანგი, რომლის ბიუჯეტშიც ღვინოს ისეთივე ადგილი უჭირავს, როგორც მაგ. პურის ან სხვა რომელიმე პირველ მოთხოვნილების სავანს, და იგი ღვინოს სვამა გამუდმებით, ათჯერ-ოცჯერ მეტს ვიდრე ჩვენი მევენახე, თუქცა მას



საქართველოს
საქართველოს
საქართველოს

მთვრალს ვერაინ ნახავთ. ამ აზრის დამამტკიცებელია ის ვარემოებაც, რომ ამ უქანასკნელ წლებში, როდესაც ჩვენ ღვინოს გარეშე ბაზარი მთლად დაეჭო და თითქოს უნდა უდიდესი კრიზისი შექმნილიყო ღვინოსა, (მიუხედავად იმისა რომ განჯის ღვინოებიც, რომელთაც უწინ უმთავრესად ჩრდილოკავკასიისკენ ჰქონდათ გზა და ამ უქანასკნელ სამ წელიწადს კი განსაკუთრებით საქართველოს მოაწვევენ, რადგან ქრთადერთი ღია კარი აქვთ ჰქონდათ) მაშინ არამც თუ კრიზისი არ შექმნილა, პირიქით მოთხოვნილების დაკმაყოფილებაც კი გაძნელდა მიუხედავად დიდი ფასებისა. წინათ თუ ღვინოს მარტო ქალაქ სვამდა, ენლა პირიქით უმთავრესი მომხმარებელი სოფელია. სხვა დროს თითო-ორილა ბოთლით თუ გაიგზავნებოდა თბილისიდან ღვინო, მაგალითად გორის მახრაში ან დასვლეთ საქართველოში. ამ უქანასკნელ ორ წელს კი ათეული ვაგონები იგზავნებოდა საქართველოს სხვა დასხვა კუთხეებში (მცხეთიდან მოხევეებში, გორში, ქარელში და დასავლეთ საქართველოს პროვინციებში). ეს იქიდან წირომოსდგა, რომ ჩვენი სოფლის მიკდელობითმა შეძლებამ აიწია და სოფლად დავკორიკოლი ფული, სხვაში რომ არათერწი იხარჯებოდა, ღვინოს ხელგაშლილად ყიდულობს. ასე რომ ჩვენ მოსავალს ადგილობრივე ვასალებით. ამ მოსახრების დამამტკიცებელია მ.უნდის ვარემოება, რომ სახელმწიფო სარდაფების ღვინო, რომელიც წინათ განსაკუთრებით სამხრეთ რუსეთში იგზავნებოდა, დღეს დამყრობილ ბაზარს თავს ანებებს და თბილისში ადგილობრივ სირაჩხანის კონკურენციას შესდგომია, ალბად უნდა თბილისის მცხერებს ვემოვნება გაუფერჯოს და „მწკლარტე კახური ღვინის მაგიერ ევროპულად დამუშავებულ ღვინოს შეაჩვიოს.

რასაკვირველია ასეთი მდგომარეობა დროებითი—შემთხვევითია და დამყარდება თუ არა წესიერი მიმოსვლა გზაზედ, მოწესრიგდება თუ არა საერთაშოოსო სავაჭრო ურთიერთობა, ძველი მდგომარეობა შემობრუნდება და ჩვენი ადგილობრივი მომხმარებელი ღვინოსა ვერ შესძლებს გაუწიოს კონკურენცია უცხო მომხმარებელს და ჩვენც

საშუალება მოგვეცემა გავიდეთ უცხო ბაზარზედ ჩვენი საქონლით. თუ საზოგადოდ ამ საქმეს მოვკარება ჩვენ როგორმე მოვახერხებთ და ნაწარმოები როგორც გემოვნების ისე სავაჭრო აპარატის მოწყობის მხრივ მომხმარებელს დაუახლოვეთ ჩვენი ნაწარმოების გასაღება არას დროს არ დაბრკოლებდა, რადგან მთელს ქვეყნაზედ მხოლოდ ოთხი ხუთი სახელმწიფოა (ისპანეთი, იტალია, პორტუგალია, საბერძნეთი), რომელთა ღვინის ექსპორტი აღემატება იმპორტს, ხოლო ყველა დანარჩენი ქვეყნები დიდი მასშტაბით ყიდულობს ღვინოს: ჩვენთვის საუკეთესო ბაზარად ღვინის გასაღებისათვის უნდა ჩაითვალოს რუსეთი, აქ ძველ რუსეთის საზღვარებში 200 მილ. მცხოვრებზედ 30—40 მილიონი ვედრო მიდიოდა წლიურად ანუ მცხოვრებზედ არა უმეტეს 3 ბოთლისა და მთელი კავკასია რომ სულ გაბმულ ვენაზედ იქცეს, მაშინაც ვერ დააკმაყოფილებს რუსეთის მოთხოვნილებას, რომლის წლიური იმპორტი შესამჩნევად იზრდებოდა სისტემატიურად. მით უფრო ხელსაყრელია რუსეთთან დამოკიდებულება ღვინის ვაჭრობის მხრივ, რომ იქ უკვე რამდენადმე ცნობილი და სახელმძღვანელოა ჩვენი ღვინო და მომხმარებელიც მიჩვეული. საბადლო საქონლის შემოტანის მხრივაც, პურით მდიდარსამხრეთი რუსეთი ჩვენთვის ხელსაყრელია. ასე რომ ვენახების სიმრავლის შიში ჩვენ სრულიად არ უნდა გვაწუხებდეს. სერიოზულ მეტოქეობას ჩვენ ღვინოს განჯის ღვინოები უწევენ, რომელნიც ბერად ნაკლებ ჯდებათ შემდეგი მიზეზით:

1. მოსავალი ადგილ-ზედადგის სიმდიდრის და სიპოხიერის წყალობით დიდი იცს (1500 2000 ვედრომდე, საშუალოდ კი 700—800 ვედ.)
2. ვენახები თითქმის სულ სარწყავია და გვალვისა მიტომ არ ეწიხიათ.
3. ტექუა არ იცის.
4. იქაური ჯიშები ნაკლები ღირსებისა არიან, ვიდრე ჩვენი მწვანე საფერავ-ქაქწითელი და სოკოს ავადმყოფობაც მათ ნაკლებ ერევათ.
5. განჯაში არიან შედარებით მსხვილი მევენახეები, რაც შესამჩნევად ამცირებს დამუშავების ხარჯს.



6. განჯის მარნები ტექნიკურად საუკეთესოდ არიან მოწყობილში. რაც ღვინის ხარჯსაც ამცირებს და გაყიდვასაც აადვილებს.

სამაგიეროდ განჯის ღვინო ღირებები ბევრათ დაბლა სდგას ჩვენს ღვინოებზე და ამიტომაცაა, რომ ერთ მილიონადღე ვედრო განჯის ღვინისა თბილისში ყოველ წელიწადს კახეთის ღვინის სახელით იყიდება. რადგან იგი ერთი ორად და ერთი სამად ნაკლები ღირს. უმთავრეს ღირსებად ჩვენი ღვინოებისა ბაზრის თვალთსაზრით უნდა ჩაითვალოს ალკოჰოლის (სპირტის) და სიმჟავის ჰარმონიული შეზავება, რაც შესაძლებლად ჰხდის მის შორს გაგზავნას. მისი სიმჟავე საშუალოდ 120 გარშემო ტრიალებს მაშინ როდესაც საფრამგეთის 1912 წლის მოსავლიდან (59,384, 171 ჰექტოლ.) 52,519.776 ჰექტოლატრი ანუ 88 პრ. ათს გრადუსზე ნაკლები იყო; 5,681,388 ჰექტ. ანუ 8 % ათიდან თერთმეტამდე და მხოლოდ 2,183.000 ჰექტ. ანუ 4%-11 გრადუსზე ზევით. განჯის ღვინიც სამაგრიით და ისე სხვა ღირსებით ბევრად ნაკლებია ჩვენს ღვინოზე და წინეთ რომ განჯის ღვინის შემოშვება საქართველოში აქაურ მევენახეთ ძლიერ გვაფიქრებდა. ეხლა შეგვიძლიან ვსთქვათ, რომ ეს შიში უსაფუძვლოა. თუ რა თქმა უნდა ამ საკითხის კანონმდებლობის მხრივ და ჩვენი ღვინის უტხოვთში (რადგან განჯური ღვინო ტრანსპორტს ვერ იტანს ჩვენ ღვინთან შედარებით) გატანის მოწყობის რიგებით უზრუნველყოფთ ჩვენს წარმოებას.

პირიქით. რადგან ჩვენში შესაძლოა ღვინის მოთხოვნილებამ იპატროს ომის წინა ხანებთან შედარებით და ჩვენ კი საკმარი მოსავალი არა ვაქვს, ჩვენ შეგვიძლია ადგილობრივი მოთხოვნილების დასაკმაყოფილებლად უფრო ნაკლებ ფასიანი განჯის ღვინო გამოვიყენოთ, ხოლო ჩვენ ღვინოს ექსპორტის და ნიშნულება მივსცეთ, როგორც აქეთებს საფრანგეთი ალგიონის ღვინოებით.

თუ მოუხედავთ ამ გარემოებისა, წინეთ ხშირად. ცოტად თუ ბევრად უხვ მოსავალში ჩვენში ღვინის ფასი ძლიერ ეცემოდა და გაყიდვა ძლიერ ჰირდებოდა. ეს იმიტომ კი არა, რომ ღვინის გატანა შეუძლებელი იყო, არამედ იმიტომ, რომ კახეთის და სასოგადოდ

საქართველოს მეღვინეობა ჯერ ტექნიკურად ნაკლებად დროინდელ წესით სწარმოებდა: ყურძენი ფეხით იწურება; ღვინო ინახება ახლილ ცის ქვეშ ჩაყრილ ქვევრებში; ხშირად საკმარისი ჭურჭელიც არ მოიძებნება. მევენახე სრულიად მოსპობილია საშუალებას ამ პირობებში ღვინო შეინახოს, თავი დაუქიროს და რიგაინ ფასს მოუცადოს. თუნდ ჭურჭელიც ჰქონდეს მას ხელმოკლეობა და დაგვლიანება აიძულებს რაც შეიძლება პალე მოიშოროს მოსავალი და ნახევრად მიინც დაიკაყოფილოს მოთხოვნილება. ამასთან სრულიად არ შემოდოდა ჩვენში უცხო ვაჭარი, უცხო კაპიტალი და მთელი კახეთის მოსავალი უმთავრესად სირაჩაანის მინამრებული იყო. ამიტომ ღვინის გამყიდავთა შორის იქმნებოდა კონკურენცია და ღვინო პირდაპირ ჩალის ფასად მიდიოდა. მეღვინეთა კრიზისის მიზეზი ისიც არს, რომ ჩვენებური წესით დამზადებულ ღვინოს გარეშე მომხმარებელი სრულიად არ ეტანება, ჩვენი ღვინის დაღვეა მას უმძიმს და უფრო ნაკლებ მშკლარტე ღვინოებს ეტანებიან, რომელნიც მართალია ღირსებით ბევრათ ნაკლებნი არიან, მაგრამ სასიამოვნო და ადვილი სასმელია. და თუ ჩვენ გვინდა გარეშე ბაზარზედ გავსლა ჩვენი ნაწარმოებით, აუცილებლად იძულებულნი ვიქნებით ამ გარემოებას ანგარიში ვაუწიოთ და ჩვენი წესი ღვინის დამუშავებისა შევეცვალოთ მომხმარებელის გემოვნებაზე.

ჩვენ და სამწუხაროდ, დღევანდლამდე ჩვენში ამ მხრივ არაფერი გაკეთებულა. ჩვენი ღვინის ტიპის გადამუშავება სრულიად არ სწარმოებს. ამ მხრივ არც სახელმწიფო მამულს გაუყუთებია რამე მან კახეთში ვააშენა ვახები, პირველათვე მოიწვია ფრანგის სპეციალისტები, რომელთაც საფრანგეთის ვაზის ჯიშები გადმოიტანეს მწვანე-საფერავის ქვეანაში და შეუდგნენ კახეთში ფრანგულ მეღვინეობის შაბლანურად წარმოებას. ადგილობრივი ვაზით კი საკმაო ვენახები ვააშენეს მაგრამ საფერავსაც კახურნეს წესით დაუწყეს მორგულება და მკავე ყურძნის მოკრეფა. ხოლო ადგილობრივი ჯიშების ადგილობრივ ტიპის გაუმჯობესებაზედ მათ სულ არ უფიქრიათ. რა თქმა უნდა ამ პირობებში თავის განსაკუთრე-



ბულ თვისებებს ჩვენებური ჯიშები სულ ვერ გამოიჩინდნენ. დღესაც ჩვენში ორი წესია ღვინის დამუშავებისა: ან ძველი იდგილობრივი, ან ახალი „გაფეროპილებული“. ხოლო მათ- შორის ჩვენი ჯიშებისთვის უფრო შესაფერი, ჯერ არ არის დამუშავებული.

არსებობს ერთგვარი ნახევრად ევროპული ტიპი კახური ღვინისა მშ. ვერმიშვების და ჯანდიერის ფორმის, წოდებული „По ичирнаყ ვაჩავყ“, რომელიც მომხმარებლებს მრწონს, მაგრამ ჩვენ ვფიქრობთ, რომ ბატ. ვერმიშვეს არა აქვს ხელსაწყო პირობები, რომ ამ ტიპის ღვინის ოირსება მაქსიმუმამდე აეყვანა. ყოველ შემთხვევაში ეს ცდა მეტად სასიამოვნოა და წასაბაძი, რომ გამოვივშაოთ ჩვენი საუკეთესო ჯიშებიდან ისეთი ნაწარმოები, რომელიც დაქაყოფილებს მომხმარებლის მოთხოვნილებას, თორემ ევროპულად ღვინის დაყენება ჩვენთვის (თუნდაც იგი საუკეთესო იყვეს) შეუძლებელია, ყოველ შემთხვევაში ოც-ოცდაათ წელიწადზე აღრე, რადგან ამისთვის საჭიროა მელენიუმის ტენიკის განვითარება, მეტად ძვირ სარდავის მეურნობის მოწყობა (მანქანები ქურქელი, სარდაფები); და უმთავრესად კი კაპიტალი, რომელიც მოგვეცემდეს საშუალებას მოსავლის ერთი და ორი წლით სარდაფში გაჩერებას. აქედან დაცვანა:

1. საქართველოს ყოველ წლიური სადღეისო ღვინის მოსავალი, თუ ქართველ მშრომელი ნახლის ეკონომიური მდგომარეობა გაუმჯობესდა, თვით ქართველსაც არ ეყრდ.

2. საქართველოს საარსებო ინტერესი კი მოითხოვს გამოიყენოს ყოველივე სოფლის მი- ლალ ღირსების ნაწარმოები საექსპორტოთ გამოსადეგი, ამ შემთხვევაში უპირველესი მათ განი ღვინო. ამისათვის საჭიროა ღვინის მოსავლის ვათეკეცა რაც დამოკიდებულია ვენახების დამუშავების ინტენსიფიკაციაზე და ვენახების სივრცის ზრდაზე.

3. და რომ უზრუნველყო ჩვენი ღვინის გარეშე ბაზარზედ გასაღება, საჭიროა დაუახლოვოთ ნაწარმოები მომხმარებლის გემოვნებას და მოთხოვნილებას.

4. ნაწარმოების გასაუმჯობესებლად საჭიროა: სპეციალური განათლება, მელენიუმის ტენიკის გაუმჯობესება, წერილ მევენახეთა შეკავშირება და ჭარბე სამელოორაკო კრედიტი.

გ. წინამძღვრიშვილი.

მევენახეთა ურილოგამი ახალი.

ჩვენმა უკითხველებმა უკვე იციან რომ საბჭოს განზრახული ჰქონდა საქართველოს მევენახეობის ყველა კუთხეში მოეწყო მევენახეთა ურილოგამი ამ დარგში წარმოშობილ სხვა და სხვა საჭირობო-როტო კითხვების გასაშუქებლად.

წარსულ 15—18 აპრილს ამგვარი ურილოგამი უკვე შესდგა კახეთში ალაზანს გამოღმა მხარეს.

ურილობა წინანდალში.

პირველი ურილობა შესდგა 15 აპრილს დილით ს. წინანდლის სათემო საშაჩველოს შენობაში. საბჭოს წევრებმა ჩოლაყაშვილმა და წინამძღვარიშვილმა გააკეთეს მოხსენება საზოგადოდ ჩვენი მევენახეობის გაჭირვებულ მდგომარეობის შესახებ, აღნიშნეს აუცილებელი საჭიროება მევენახეთა შემაკავშირებელ სახელმწიფო უფლებებით აღჭურვილ მუდმივ ორგანიზაციის შექმნისა, რაც კრებამ საცესებით ვაიზიარა. კრებამ დიდის ყურადღებით მოისმინა აგრეთვე მოხსენება მელენი-მევენახეთა საბჭოს მოქმედების შესახებ, ანგარიში მოიწონა და გამოსთქვა სუვილი შემდგეშიაც მტკიცედ დარაჯათ ედგეს საბჭო მელენი-მევენახეთა საჭიროებებს. ამის შემდგე გაიმართა კამათი ადგილობრივ რაიონის საჭიროებებზედ. კამათის დროს გამოიჩინა რომ რაიონი დიდათ ჰსაჭიროებს ვენახებში გასაბმელ შავთულს, რადგან კიგო ან სულ არ იშოვება და თუ იშოვება 15—20 ვერსის სიშორეზედ და ღერი უჯდება მევენახეს 2—2,50 მან. ამიტომ კრებამ დაავალა საბჭოს მომავალ წლისათვის ყოველივე ღონისძიება იყოს მიღე-



ბული მავთულის საქარისი რაოდენობის შესაძენად.

კრებაზე გამოიჩვენა ავრეთვე, რომ ფილოქსერა რაიონში შესამჩნევად გავრცელებულა, მეტადრი გრძელ მინდვრის ვენახები მეტად დაზარალებულია. მაგრამ, მოუხედავად იმისა რომ კახეთის უძველესი კონდოლის სანერგე ამ რაიონშია, ამერიკულ საძირზედ დამყნილი ვენახები მთელ 1500 დესეტინიდგან (სოფლები კონდოლი, წინანდალი, კისის ხევი, ქვ. ხრდაშენი და ბუშატი) სულ ათამდე დესეტინა ყოფილა.

ასე ცოტა ნამყენი ვენახები აიხსენა იმით რომ ჯერ ერთი თვით ხალხი დღევანდლამდე გულ-გრილად ეციდებოდა ფილოქსერის საშიშროებას და, ამას გარდა, კონდოლის სანერგეს რაიონის მოთხოვნილებების მეთედის დაკმაყოფილებაც არ შეუძლია, ამიტომ ყრილობამ გამოსთქვა სურვილი რომ მიწად-მოქმედების სამინისტროს დახმარებით და მელდინე-მევენახეთა ყრილობათა საბჭოს ხელმძღვანელობით ამ რაიონში მოეწყოს უფრო ფართო სანერგე და ამ მიზნით სათემოს გადაეცეს ფონდში ჩაირცხულ მიწებიდან სანერგისთვის საკმარი მამული.

დასასრულ. სრულიად საქარველოს მელდინე-მევენახეთა ყრილობათა საბჭოსთან მუდმივი ურთიერთობის დასაქერად და ამასთანავე მელდინეობა-მევენახეობის ზოგიერთ ადგილობრივ საჭირბოროტო საკითხთა გასაძლოლად ყრილობამ საჭიროდ სცნო დაეარსებინა მევენახეობის სარაიონო საბჭო რომელშიაც არიჩიეს წინანდლის შემნ.-გამსესხ. ამხ. გამგეობის თავმჯდომარე. — წინანდლის თემის გამგეობის თავმჯდომარე მევენახე ვ. ბერეთიანი და მევენახეთა წარმომადგენელი მეურნე.

საბჭოს წევრებმა სთხოვეს ყრილობაზედ დამსწრეთ მტკიცე ურთიერთობის შესაქმნელად—ყველამ მონაწილეობა მიიღოს საბჭოს ორგანოს „ვაზი და ღვინოს“ გავრცელებაში და თანამშრომლობაში. აღმოჩნდა რომ წინანდლის შემნახველ გამსესხებელი ამხანაგობა იღებს ქუჩნალის ყველა ნომრებს ათ-ათ ცალს და ავრცელებს ხალხში.

თათბირი თელავში.

იმავე სალ. მ. ს. (ხუთშაბათს. 15 აპრილს) თათბირი შესდგა ქ. თელავში ადგილობრივ მუშათა კლუბის დარბაზში. თათბირზედ წინასწარ მოწვეულნი იყვნენ სამაზრო ერობის, კახეთის კოპერატივთა კავშირის, ქალაქის თვითმართველობის, თელავის შემნ.-გამსესხებ. ამხანაგობის, ქალაქის ღვინის მოვაჭრეთა და სხ. წარმომადგენლები და თელავში მცხოვრები მევენახენი. თათბირი გაიხსნა ან. ყაზახაშვილის თავმჯდომარეობით და ბ. კაკულიას მდიანობით. საბჭოს წევრებმა წინამძღვრიშვილობა და ჩოლაყაშვილობა გააკეთეს მოხსენება საბჭოს მოქმედების შესახებ და წარუდგინეს თათბირს საკამათო მელდინე-მელდინეთა ყრილობის, როგორც მუდმივი ორგანოს, დებულების პროექტის უმთავრესი საფუძვლები პროექტით ორგანიზაცია წაგავს სავაჭრო-სამრეწველო პალატის ორგანიზაციის და გულისხმობს მელდინე-მევენახეთა პალატის სახელმწიფო უფლებებით აღჭურვილს. კამათი გამოიწვია ყრილობის შემადგენლობის საკითხმა. სრულიად საქარ. მელდინე-მევენახეთა პროექტით ყრილობაზედ უნდა იყოს წარმომადგენლობა არა კერძო პირთა, არამედ მევენახეთა სოფლის ან რაიონის ორგანიზაციებისა. მაგრამ ვინაიდან ცალკეახალი ორგანიზაციის შექმნა სოფ-

საქართველო

ლად დღევანდელ პირობებში შეუძლებელია, პროექტი გულისხმობს მევენახეობის რაიონების თემთა, საკრედიტო და სპეციალურ კოოპერატივთა, სამაზრო ერობათა და სამაზრო კოოპერატიულ კავშირთა, ერობათა ცენტრის და ქალაქთა და ღვინით ვაჭართა წარმომადგენლობას.

თათბირზედ ზოგი შეუძლებლად სცნობდა ასეთ ორგანიზაციის შექმნას და მოითხოვდა უსათუოდ ეხლავი ცალკე დამოუკიდებელ, მევენახეთა ორგანიზაციების მოწყობას რაიონებში ხოლო მათ წარმომადგენლებიდან ყრილობის შედგენას. მაგრამ ხმის უმეტესობით თათბირმა უმჯობესად სცნო ჯერჯერობით ყრილობათა ორგანიზაციის გასაადვილებლად საბჭოს მიერ წარმოდგენილ პროექტით ხელმძღვანელობა.

თათბირზედ მევენახეთა ადგილობრივი საბჭოს არჩევა მოუხერხებელი აღმოჩნდა თითბირის მკირე-რიცხოვანობის მიზეზით.

დასასრულ თითბირმა მოისმინა თელოველ ღვინის მოვაჭრეთა ჯგუფის განცხადება-საჩივარი ქალაქის თვითმმართველობაზედ, რომელსაც სატრასტირო გადასახადი უკანონო შეუწერია ისეთ ღვინით მოვაჭრეებისთვისაც, რომელთაც სამზარეულო არაქათვთ საწყობთან, საქმელებს არ ჰყიდიან და მხოლოდ ღვინით ვაჭრობენ. რადგან თვითმმართველობის ასეთი განკარგულება სრულიად ეწინააღმდეგება კანონს, საბჭოს წარმომადგენლებმა უჩივეს დაზარალებულთ საქმისათვის მიეცათ კანონიერი მსვლელობა, ხოლო საბჭოს მხრივ აუთქვეს შესაფერი დახმარების აღმოჩენა.

(ვაკრძელება იქნება).

გ. წ.

საბჭოს მოქმედება

მკითხველებს მოეხსენებათ რომ საბჭომ აღძრა მთავრობის წინაშე შუამდგომლობა უცხოეთში გასატან ღვინოზედ და ქურქელზედ მოეხსნათ საწინდარის (გირაოს) აღება, რის შედეგადაც ღვინოზედ საწინდარის გადახდებინება მოისპო. რაც შეეხება ხის ქურქელს დღევანდლამდე ახდენიებდენ საწინდარ ვე-

დროზედ 40 მანეთს მიუხედავად ვინაშნა თინანსთა სამინისტრომ ჯერ კიდევ 24 მარტს შეუთვალა მომარაგების სამინისტროს საწინდარის გადახდევინება მოესპოთ.

საბჭოს დაყენებით მოთხოვნის შედეგ მომარაგების სამინისტრომ მხოლოდ 27 აპრილს მოიყვანა სისრულეში ერთი თვის განმავლობაში უმოძრაოთ დატოვებული განკარგულება.

ამრიგათ როგორც ღვინის ისე ხის ქურქლის უცხოეთში გატანა განთავისუფლებულია ყოველივე საწინდარისაგან.

— საბჭომ ორჯელ მიმართა მთავრობის თავმჯდომარეს შუამდგომლობით, რომ მთავრობის ხელში დარჩომილი შაბიამან-გოგირდი ასე ძლიერ არ გაუცვირებინათ (ჯერ 400 მანეთით ყოიდებოდა ფლთი შაბიამანი ხოლო შემდეგ 700 მან. გახადეს, გოგირდი კი 660 მან.). მთავრობის თავმჯდომარე შეჰპირდა საბჭოს შესაფერ ღონისძიების მიღებას მაგრამ ფასის დაკლების მავიერ ერობამ 25 აპრილიდან ხელახლათ მოუმატა ფასები შაბიამანს 50 მან. გოგირდს კი 40 მან.

მთავრობის „ღონისძიებანი“ კი ჯერ არსად სჩანს და მევენახეს ყოველ დღე ახალახალი ბარჯები ემატება.

— კახელ მევენახეთა აბა „კახეთმა“ გადასწყვიტა ყურძნის ჭიასთან საბრძოლველათ დამმარება აღმოუჩინოს მევენახეთ, რის გამოც გადასდო 20,000 მან. საბჭოს განკარგულებაში, რომელმაც უნდა მოაწყოს ამ მანე მწერთან ბრძოლა. საბჭომ დაადგინა მოიწვიოს ამ საქმის გასაძოლოათ ა. ი. აბაშიძე, რომელსაც დაეკისრება ზაუხულის განმხლობაში კახეთში ყოფნა და ბრძოლის წარმოების ხელმძღვანელობა.

„ვაზი და ღვინო“

გკითხველს.

რადგან ბაქოში მომხდარი სახელმწიფო გადატრიალების გამო აღერბევიჯანმა ჩვენს დამი მტრული მოქმედება დაიწყო და ჩვენში ამის გამო გამოცხადებულ ლაშქრობის გამო მრავალი ასოთამწყობი იქნა ჯარში გაწვეული, ამიტომ ეს მე-ნ ნომერი, თავის დროზე ვერ გამოვიდა და შესაძლებელია მორიგმა მე-7-დ ნომერმაც მოიგვიანოს.

რედაქცია.

კოლმერბტიული საზოგადოება

„კახეთი“

საზოგადოება „კახეთი“ არსებობს 1895 წლიდან და ამ კამდ 246 მეწახე ითვლება წევრად. საზოგადოება „კახეთი“-ს წევრობა შეუძლიან ეველა კახელ მეწახეს და ზრეთვე ეველა მას, უინც-კი ხედაბრებს საზოგადოებას ნამდვილ კახურ ღვინოს უოველ წლივ.

მთავარი კონტორა საზოგადოება „კახეთი“-ს მთავსებულია თბილისში, დამუქმებელ კრების ქუჩა № 5, ტელეფონი № 13—23, ხოლო სარდაფი-კი გოგოლის ქუჩასე № 63, საუეთარ შენობაში. ექლეკრაფით მისამართი: თბილისი კახეთი.

საზოგადოება „კახეთი“-ს მთავარი საწუბები კახეთში ორ ალაგას არის მოწუბილი: თელავში „კახეთი“-ს ბიურო ალექსანდრე მანაძვილთან და კარდანახში, „კახეთი“-ს ბიურო ნიკოლოზ დარაძვილთან.

